

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Općinski načelnik



Bosnia and Herzegovina  
Federation of Bosnia and Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Хервеговина  
Федерација Босне и Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Општински начелник

Na osnovu člana 69. Statuta Općine Centar – prečišćeni tekst („Službene novine Kantona Sarajevo“, broj 23/4), člana 3. Odluke o načinu odabira projekata nevladinih organizacija po LOD metodologiji („Službene novine Kantona Sarajevo“, br: 10/18) i Odluke o pokretanju postupka raspisivanja i provođenja javnog poziva, broj: 13-11-2104/25, Općinski načelnik raspisuje:

**JAVNI POZIV  
ORGANIZACIJAMA CIVILNOG DRUŠTVIA/NEVLADINIM ORGANIZACIJAMA ZA  
REALIZACIJU PROJEKTA CENTAR ZA PODRŠKU PORODICAMA SA DJECOM I OSOBAMA  
SA POTEŠKOĆAMA U RAZVOJU OPĆINE CENTAR SARAJEVO**

**OPIS PROGRAMA:**

U cilju smanjenja društvene stigmatizacije, osposobljavanja i podrške razvoju djece/osoba sa poteškoćama u razvoju Općina Centar Sarajevo će kroz finansiranje projekata organizacija civilnog društva (OCD)/nevladinih organizacija nastojati dati doprinos i omogućiti pružanje profesionalne podrške navedenoj kategoriji stanovništva.

Općina Centar Sarajevo poziva sve organizacije civilnog društva (OCD)/nevladine organizacije (NVO) iz Bosne i Hercegovine da dostave prijedloge projekata koji su u skladu strateškim ciljevima Općine Centar Sarajevo, a koje mogu pružiti pomoć i profesionalnu podršku djeci i osobama sa poteškoćama u razvoju kroz provođenje aktivnosti:

- poticanje adaptivne sposobnosti djece u području praktičnih (briga o sebi, sigurnosti itd.), socijalnih (interpersonalne vještine, odgovornost, rješavanje problema itd.) i konceptualnih vještina (osnove komunikacije, kategorizacije, klasifikacija itd.);
- socijalnog rada s pojedincem, porodicom i grupom i drugi oblici pomoći socijalnog rada i socijalne zaštite;
- edukativne i socijalne rehabilitacije korisnika (usvajanje i razvijanje motoričkih, spoznajno-društvenih vještina, emocionalni razvoj i usvajanje socijalno- vrijednosnog sistema i slično);
- vježbe korisnika (orijentacije i kretanja, svakodnevnih vještina, vida, tiflo-tehnicka), edukacijsko-rehabilitacijski tretman, logopetska terapija, terapija senzorske integracije, muzicka i likovna terapija, fizikalna terapija, radna terapija i dr.;
- psihološke, edukativne i druge vrste stručne pomoći porodicama osoba i djece sa poteškoćama u razvoju.

Sredstva koja se dodjeljuju po ovom Javnom pozivu ne predstavljaju državnu pomoć u smislu Zakona o sistemu državne pomoći u BiH, odnosno ovim Javnim pozivom se neće finansirati aktivnosti gospodarskih subjekata koji obavljaju ekonomsku djelatnost na tržištu.

**SREDSTVA I TRAJANJE PROJEKTA:**

Ukupno obezbijedena sredstava u Budžetu Općine Centar Sarajevo u 2025. godini za ovu namjenu iznose 100.000,00 KM.

Minimalna sredstva za realizaciju projekta su 5.000,00 KM a maksimalna 80.000,00 KM. Općina Centar Sarajevo zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadane kriterije.

Projekti će se realizovati u periodu od 15.05. do 31.12.2025. godine, s tim da trajanje projekta ne može biti kraće od tri mjeseca niti duže od šest i po mjeseci.

Potpisivanje ugovora sa odabranim aplikantima očekuje se u toku mjeseca maja, te će aplikanti u skladu sa tim i planirati početak realizacije svojih projekata.

Neće se finansirati aktivnosti odobrenog projekta koje su provedene prije zaključivanja ugovora. Projekti moraju biti implementirani isključivo na području Općine Centar Sarajevo, osim aktivnosti za koje ne postoje pretpostavke (uslovi) da se odvijaju na teritoriji Općine.

## **PRAVO UČEŠĆA:**

Javni poziv je otvoreno za OCD-a/NVO-e u čijem je fokusu rad sa djecom i osobama sa poteškoćama u razvoju, te koje imaju najmanje 5 godina iskustva u realizaciji sličnih projekata. Učešće u ovom javnom pozivu je otvoreno, na jednakim osnovama, za sve formalno registrovane OCD i NVO (udruženje/udruga ili fondacija), u skladu sa važećim zakonskim propisima u Bosni i Hercegovini, u čijim organima upravljanja nisu zastupljeni uposlenici Općine Centar Sarajevo, zatim vijećnici i članovi radnih tijela Općinskog vijeća Centar Sarajevo (član 12. Zakona o sukobu interesa u organima vlasti u Federaciji BiH, „Službene novine Federacije BiH“, broj 70/08.

Udruženja čiji predstavnici učestvuju u proceduri provođenja Javnog poziva ne mogu podnijeti prijavu na isti.

Prilikom odabira projekata prednost imaju oni projekti čije aktivnosti nisu slične aktivnostima koje Općina Centar Sarajevo već finansira putem svojih javnih ustanova i centara.

Ovim javnim pozivom neće se finansirati projekti udruženja koja nisu opravdala već dodjeljena sredstva iz Budžeta Općine Centar Sarajevo ili koja su u tekućoj godini ostvarila podršku putem drugih javnih poziva koje raspisuje ova lokalna zajednica.

Sve zainteresovane organizacije civilnog društva detaljne informacije o uslovima za apliciranje i kriterijima za finansiranje projekata mogu pronaći u *Smjernicama za aplikante u okviru javnog poziva*.

Aplikant može predati više od jednog projektnog prijedloga sa odvojenim prijavnim formularima i dokumentacijom za svakog od njih, a finansirat će se samo jedan uspješno ocijenjen i odabran projekat.

Pitanja u vezi sa javnim pozivom se mogu postaviti putem e-mail adresu [nvo@centar.ba](mailto:nvo@centar.ba).

## **PREUZIMANJE DOKUMENTACIJE:**

Sve potrebne informacije i elektronska verzija cijelog paketa prijavnice dokumentacije može se naći na web stranici Općine Centar Sarajevo [www.centar.ba/javni\\_pozivi\\_i\\_konkursi](http://www.centar.ba/javni_pozivi_i_konkursi).

**Obavezna dokumentacija** treba da sadrži sljedeće dokumente:

- **Projektni prijedlog (word format Aneks 1)**
- **Pregled budžeta/proračuna (excel format - Aneks 2)**
- **Matrica logičkog okvira (word format - Aneks 3)**
- **Plan aktivnosti i promocije (word format - Aneks 4)**

**Dodatna dokumentacija je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija treba da sadrži sljedeće:**

- ovjerena kopija važećeg rješenja o registraciji organizacije u BiH (za nosioca projekta/podnosioca i eventualne partnere na projektu),
  - kopija statuta organizacije (podnosilac projekta i partneri),
  - identifikacijski broj,
  - uvjerenje o izmirenim poreskim obavezama (original ili ovjerena kopija poreske uprave),
  - uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih),
  - popunjena forma Administrativni podaci o podnosiocu prijedloga projekta (word format - Aneks 5),
  - popunjena Finansijska identifikaciona forma (word format - Aneks 6),
  - popunjena i potpisana Izjava o podobnosti (word format - Aneks 7),
  - kopija završnog godišnjeg finansijskog izvještaja za 2024. godinu (dokument bilans stanja i bilans uspjeha) koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,
  - opisni izvještaj o realizovanim projektima za prethodnu godinu,
-

- podaci o osobama koje realizuju projekat (kraći CV sa dokazima),
- za projekte koji se planiraju provoditi u obrazovnim institucijama, te u objektima koji su u vlasništvu Općine Centar, potrebno je priložiti saglasnost direktora istih. Ukoliko projekat bude odobren obavezno je dostaviti saglasnost/odobrenje nadležnog ministarstva za projekte koji se planiraju provoditi u obrazovnim institucijama,
- popunjena Lista za provjeru (word format - Aneks 8).

#### **PREDAJA APLIKACIJA:**

Ispunjenu aplikaciju i set obavezne dokumentacije potrebno je dostaviti u jednom (1) štampanom primjerku, a kompletnu dokumentaciju (obaveznu i dodatnu) potrebno je dostaviti skeniranu i u elektronskoj formi (CD ili USB) u zatvorenoj koverti preporučenom poštom ili na protokol Općine tokom radnih dana (ponedjeljak – petak) sa naznakom

„Za javni poziv

organizacijama civilnog društva/nevladinim organizacijama za realizaciju projekta Centar za podršku porodicama sa djecom i osobama sa poteškoćama u razvoju Općine Centar Sarajevo“, na adresu:

Općina Centar Sarajevo  
Ul. Mis Irbina 1  
71 000 Sarajevo  
Bosna i Hercegovina

Rok za predaju aplikacija je 28 dana od dana objavljivanja u sredstvima javnog informisanja i na web stranici Općine, odnosno **23.04.2025. godine.**

Aplikacije dostavljene nakon navedenog roka će biti razmatrane jedino u slučaju da poštanski žig ukazuje na datum slanja prije zvaničnog isteka roka.

Vanjska strana koverta mora sadržavati naziv poziva za predaju prijedloga projekata, puno ime i adresu aplikanta, puni naziv projekta i navod **“Ne otvarati prije zvaničnog otvaranja”**.

O primljenoj pošiljci u Općini će se voditi uredna evidencija i izdavati potvrde o prijemu.

Projektne prijedloge razmotrit će i procijeniti Komisija za ocjenjivanje i odabir projekata. Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta u roku od 30 dana od dana zatvaranja javnog poziva. Rezultati će biti objavljeni na web stranici Općine Centar Sarajevo ([www.centar.ba](http://www.centar.ba)).

**Napomena:** Strateški dokumenti se mogu pronaći na web stranici Općine Centar Sarajevo.

**OPĆINSKI NAČELNIK**

**Srdan Mandić**

---